



حزینہ محکمہ

427

جمعہ ایرتسی

نومرو	ربیع الاخر	سنہ	کانون ثانی	سنہ	صفیہ
۴۲۷	۲۹	۱۳۰۵	۲	۱۳۰۳	۴۶۵۰

(اشبو غزته بهر هفته جمعہ ایرتسی کونلری چیقار سنہ لکی در سعادت ایچون مجیدیه یکر می)
 (غروش حسابیله التمش غروشدر طشره لر ایچون اون بش غروش پوسته اجر تی ضم اولنور بهر)
 (نسخہ سی بنه مجیدیه یکر می غروش اولق اوزره یوز پاره یه هر یرده صاتیلور درج اولنه حق اعلاناتک)
 (هر برندن بر مجیدیه اخذ اولنور سنہ لکنه مشتری اولق استیانلر عدلیه نظارتی داترسنده کاتن)
 (جرده محاکم اداره سنہ مراجعت ایلملیدر)

محکمہ سی رئیس سابق فائق افندی به توجیه
 بیورلشدر

قسم رسمی

توجیہات

(مرعیت احکامنه بالاستیذان اراده سنیه جناب)
 (پادشاهی شرف تعلق بیورلش اولان طاش)
 (اوچاقلری نظامنامه سی صورتیدر)

(برنجی فصل)

(احکام عمومیہ)

برنجی ماده اوچاقلر صماکی والچی و کرج

ساقز بدایت محکمہ سی جزا دائرہ سی ریاستی کلیبولی
 بدایت محکمہ سی جزا دائرہ سی رئیس ابراہیم
 ادہم افندی به

کلیبولی بدایت محکمہ سی جزا دائرہ سی ریاستی
 ساقز بدایت محکمہ سی جزا دائرہ سی رئیس
 خیرہ بت افندی به

مشاق تجارت محکمہ سی ریاستی تکه تجارت

وچقماق و قالدیرم و دکرمان و لبطوغرافیا و انواع
مرمر و چاقل و غره و غرافیت و قوملی و امشالی طاشلرله
امیانت و بوزلان و اسزاسی و بازالت و لاورومارن
و تباشیر و ستویج و کیل و چمنلو و قائلون و فلسپان
و بوکا بمائل اجسامدن و یوک و پیانغی تطهیری
و چناق و چوملک و امشالی معمولات و بویا اعمالی
ویا خود طوپراغی قوتلنددرمک ایچون ارباب
زراعت طرفندن استعمال اولنان پیریدلی و دیگر
طوپراقلردن و سائر بونلره ممائل مواددن عبارتدر

ایکنجی ماده اوچاقلر قنغی نوع اراضیده
ظهور ایدر ایسه کشاد و اعمال ایتک حقی او اراضی
اصحابنه مائددر

اوچنجی ماده برکیسه تحت تصرفنده بولنان
اراضیده ظهور ایدن اوچاقلردن انشآت
و اعمالات ذاتیه سنه مخصوص موادی حکومته
اخبار کیفیت ایتکه و برکونه خرچ و ویرکو
ویرمکه مجبور اولقمسزین اخراج و استعمال
ایده بیلور

دردنجی ماده برکیسه متصرف اولدیغی
ویا خود صاحبنی ارضایلدیکی اراضیده لاجل
التجاره اوچاق کشاد و اعمال ایتک استدیگی
حالده حکومت محلیه به با استدعا اخبار کیفیت
ایتکه مجبوردر

بشنجی ماده اراضی امیریۀ خالیه ده اوچاق
کشاد و اعمالی صاحب ارض اولق اعتباریله حکومت

سنیه دن رخصت استحصالنه متوققدر
التنجی ماده برقریه و قصبه به یا خود متعدد
قریه لره مخصوص مرعی و قوری رسائر عمومه
عائد اراضی متروکده اوچاق کشاد اعمالی ایچون
رخصت اعطاسی اول کوی و یا قصبه اهالیسنک
احتیاجاتی تضییق ایدلمامک شرطله مشروطدر
یدنجی ماده جانب میری به عائد اورمانلر ایله
ماعداسنده اوچاق کشاد و اعمال استدعا قلندقدده
اوچاقلر کشادنده اورمانله معدت منفعتلری
بالمقایسه اورمانجه مخذور اولدیغی محلی اورمان
مأمورلردن بالتحقیق اکلشلدقدن صکره کشادی
استیلان اچاق میری اورمانده ایسه رخصتنامه
و ماعداسنده ایسه اونجی ماده موجدجه علم و خبر
ویریلور

سکزنجی ماده استحکامات و جهمانه مواقعتک
حدود ممنوعه سندن اعتباراً برکیلومتر و مسافه
داخلنده بولنان محالرده اوچاق اچیلوب ایشلدلمسی
ایچون رخصت اعطاسی اول امرده اوچاق
کشاد و اعمالنک برکونه محذوری موجب اولیه جفتک
مأمورین عسکریه دن بالسؤال تحقیق ایتسنه
متوققدر

(ایکنجی فصل)
(اوچاقلرک صورت کشاد و اعمالی)

طقوزنجی ماده برکیسه متصرف اولدیغی

ویا خود صاحبنی ارضایلدیکی اراضیده
لاجل التجاره اوچاق کشاد و اعمالی ایچون حکومت
محلیه به و بره جکی استدعا نامه ده اولاً صاحبنک
اسم و شهرت و محل اقامتی ثانیاً اوچاقلر واقع
اولدیغی اراضی افراد عهده سنده اولدیغی حالده
صاحبنک اسم و شهرتی و رضاسی تحصیل اولدیغی
ثالثاً محل مذکورده اوچاق کشاد و اعمالندن
طولایی ترتیب ایده جک ضرر و زیانی تضمین ایده جکنی
رابعاً جوارنده بولنان منزل و بنسار ایله املاک
سائریه و هر نوع یولاره واک یقین میاه جاریه به
مناسبتنی خامساً اوچاقلر سطح ارضه و یا خود
مغاره حفریله تحت الارض اعمال اولنه جغی
سادساً اوچاقلردن چیقاریله جق موادک جنس
و نوعنی و قنغی محله نقل و اخراج ایدیه جکنی
سابعاً اوچاقلر تحمیناً وضعیت و جسامتی
درج و تصریح ایتکه مجبوردر اشبو استدعا نامه به
اوچاقلر کشاد و اعمالندن طولایی ترتیب
ایده جک ضرر و زیان تضمین اولنه جغنه دائر
برقطعه کفالت سندی ایله اراضی اخر برکیسه
نک تحت تصرفنده اولدیغی حالده رضاسی
تحصیل اولاند یغنه و تقدر بدل و یا اجرت تعیین
قلند یغنه و نه مدته عقد مقاوله ایلدیکنه
دائر صاحب اراضی طرفندن محتوم و مقاولات
محرلکندن مصدق برسندر ربط ایدیه جک و کشاد
و اعمالی استدعا اولنان اوچاقلردن اخراج اولنه

جق موادک کرک خام و کرک معمو لندن ایکیشر
پارچه نمونه سی دخی برلکده تقدیم اولنه جقدر
اشبو نمونه لک بری حکومت محلیه ده حفظ و دیگری
اون بشنجی ماده ده محرر صورتنه توفیقاً معادن
اداره سنه ارسال قلنه جقدر

اوچاقلر اجرای اعمالاتی ایچون تحت الارض
قیو و مغاره کشادی لازم کلدکده زیرده بیان
اولدیغی و جهله تنظیم قلنه جق خریدنه نک اوج
نسخه سی استدعا نامه به ربط ایدلمک لازمدر

اشبو نسخه لردن بری حکومت محلیه ده حفظ اولنور
و دیگری اون بشنجی ماده موجدجه معادن اداره
سنه کوندریلور و اوچنجی نسخه سی دخی بالنصد
یق صاحب استدعا یه اعاده قلنور مذکور خریدنه
بشیوزده برمقیاسنده اوله رق تنظیم اولنوب
وبونده اوچاقلر کشاد و اعمالنه مقتضی اراضینک
مقداریله اوچاقلر واقع اولدیغی اراضینک حدودی
واحدوددن اعتباراً ایکوزالبیشر متر و مسافه
جهات اربعه داخلنده واقع کافه ایتیه و هر نوع
میاه جاریه و کشادی اقتضا ایدن قیو و مغاره
مخرجلری کوستریله جقدر

اونجی ماده حکومت محلیه به تقدیم اولنان
استدعا نامه لر بالتدقیق شرائط موضوعه سنه
موافق اولدیغی حالده صاحبنه برقطعه مطبوع
وقو چانلی علم و خبر ویریلور عکسی تقدیرنده
اسباب موجدجه سی ظهر عرضاله تحریر و تمهیر
اولنه رق صاحبنه رد اولنور



اون برنجی ماده حکومت محلیه به ویریلان استدا نامه لرایله مقابلنده اعطا اولنان علم و خبر ورد اولنان استدا نامه لرك اسباب موجب سی دفتر مخصوصه قید اولنور و هر سنه مارت ایچنده برقطعه جدولاری اون بشنجی ماده ده بیان اولنان نمونه وخریطه لرایله برابر معادن اداره سنه کوندریلور

اون ایکنجی ماده اراضی امریه خالیه ده و قرا و قصباته تاند اراضیده اوچاق کشاد و اعمالی ایچون حکومت ویریه جک استدا نامه لرتقوزنجی ماده ده اراضی صاحب لرتنک استحصالی رضاسنه دائر مندرج اولان احکام و قیوددن ماعدا بالجمله شرائطی حاوی اوله جقدر

اون اوچنجی ماد حکومت محلیه به تقدیم اولنان استدا نامه لرتاریخلری صره سیله دفتر مخصوصه قید و استدا نامه مندر جاننک صحت و عدم صحتی حقیقه تحقیقات لازمه اجرا اولنه رق نتیجه تحقیقات مضبطه الته التندقدن صکره استدا نامه و نمونه و اوراق سائره سیله برابر مقام ولایته کوندریلور

اشبو تحقیقاتک اجرایی ضمننده محله کوندریه جک مأمور لره اصحاب استدا طرفنده بول ولدی الحاجه بیتوتت و ما کولات مصارفنه مقابل هر کون ایچون معاشر لرتنک ایکی کونلکه مساوی مقطوعاً براجرت ایفا اولنور

اون درنجی ماده ماده سابقه ده بیان اولنان

اوراق و متفرقاتی مقام ولایته ورود ایتد کده کشادی ایچون رخصت طلب اولنان اوچاق تحت الارض اعمال اولنه جق نودن ایسه جهت فنی سی معدن مهندسی بولندیغی حالده نافع مهندسی و اوده بولنمزایسه بلدیبه مهندسی معرفتیه تدقیق و استدا نامه نك جهات سائر سی دخی مجلس اداره ولایته تحقیق اولنه رق شرط موضوعه و محرره سنه موافقتی تبین ایلدیکی تقدیرده جانب ولایتدن برقطعه مطبوع و قوچانلی رخصتنامه ویریلور عکسی تقدیرنده اسباب مرجبه سی ظهر عرضاله تحریر و تمهیر اولنور رق صاحبنه رد اولنور و معادن اداره سنه ده تفصیلاً اشعار کیفیت ایلدیلور

اون بشنجی ماده حکومت ویریلان استدا نامه لرایله مقابلنده اعطا اولنان رخصتنامه لرتورد اولنان استدا نامه لرك اسباب موجب سی تفصیلاً دفتر مخصوصه قید اولنور و هر سنه مارت ایچنده برقطعه جدولاری و کشاد اولنه جق اوچاق حاصلاتنک بر نمونه سی وخریطه لری و ارایسه بر نسخ سی جانب ولایتدن معادن اداره سنه کوندریلور

اون التنجی ماده رخصتنامه و یاخود علم و خبر لرایله ایشلد لکنده اولان اوچاق لردن مناسقی عمومه تاند اولان طرق و معابر و امثالی انشاءت و عملیاته مقتضی لوازماتک قیمتلری تأدیبه ایلدیلور اخذ اولنور شاید اوچاق لرك صاحب لری لزومی درجه سنه لوازم یتشدیره مز لری و یاخود اوچاقک اعمالی

ترك و تعطیل ایتمش بولنور لرایسه مصارفی دولته تاند اولاق اوزره مجلس اداره ولایت قرار یله اوچاق لرتقوزنجی به محلی حکومتلرنجه ایشلدیلورک عملیاته مقتضی لوازمات اخراج و اعمال اولنور لردن صکره اصحابنه رد و تسلیم قنور

اون یدنجی ماده اراضی امریه خالیه ده و قرا و قصباته تاند اراضی متروکده کشاد اولنه جق اوچاق لرتقوزنجی رخصت استحصالی ضمننده اشخاص متعدده طرفندن استدا و قوعبولور ارایسه الاول استدا نامه ویرن دیکر لرینه ترجیح اولنور

(اوچنجی فصل)

(اوچاق لردن اخذ اولنه جق رسوم و خرج)

اون سکزنجی ماده اوچاق ایشلد لکن ایچون ولایتدن رخصت و یاخود حکومت محلیه دن علم و خبر استحصالی ایلدن لردن اوچاق حاصلاتنک اسکله ده و یا محمل صرفنده کی قیمتدن مصارف نقلیه سی و معمول اولدیغی حالده مصارف اعمالیه سی تنزیل اولنور لردن صکره بوزده بش رسم نسبی استیفا اولنور فقط امیانت و قمرزی ویشیل عتیق صماکی طاشلری مستثنای اولوب بولنورک رسوم نسبیه سنک مقداری بوزده یکریمی بی تجاوز ایتمامک و مدت احوال لری یکریمی بش سنه دن دون اولماق اوزره معادن اداره سنجه تعیین اولنور

اون تقوزنجی ماده اوچاق لردن اخراج اولنه جق مواد دن الته جق رسومک نهایت بش سنه بی یکمامک اوزره مقطوعیته ربطی دخی حازدر شوقدرکه بوضورتک اجرایی اوچاقک بدایت کشادندن اعتباراً اعمال اولندیغی ایلك سنه مدت حسابه داخل اولماق شرطیه لاقول اوج سنه مدت اعمال و اداره سیله مقدار حاصلاتنک تعیین ایتمسینه و ولایتله صاحب رخصت بیننده بالندا صکره ویریه جک قرارک معادن اداره سنندن تصدیق قلمسینه متوقفدر

یکرمنجی ماده اون سکزنجی ماده ده کوسر یلان رسومدن ماعدا اوچاق کشاد و اعمالی حقیقه ویریه جک علم و خبر و رخصتنامه لرك بهری ایچون علی العموم ایکی یچق عثمانلی لیراسی خرج اولنور

یکرمی برنجی ماده مواد سابقه ده بیان اولنان رسوم و خرج لرت معادن اداره سنه تاند اولمق اوزره حکومت محلیه معرفتیه استیفا و مقابلنده علم و خبر اعطا ایلدیلور

یکرمی ایکنجی ماده رسوم نسبییه سنی تأدیبه و ایفایله مقابلنده علم و خبر اخذ اولندیغی اوچاق لردن مال نقل اولنه مز

(درنجی فصل)

(تدابیر تأمینیه و تحفظیه)

یکرمی اوچنجی ماده اوچاقلرک عمومه وسائر
 افراده مائیدول وقبو وچشمه وبنساره مضرتی
 موجب اولیه جق برمسافده واقلی الی ارشون
 اوزاقده کشاد اولنه جقدر اچیله جق اوچاقلرک
 ایشلدلمسی ایچون باروت استعمالی لازم کلدکده
 برکونه مضرت وقوعولماق اوزره اوچاق
 صاحبی طرفندن تدابیرلازمه اتخاذواجرا ایدیه جقدر
 و اوچاق کشاد و اعمال ایدنلر انضباط و تحفظی
 موجب اوله رق حکومت محلیه دن وقوعبوله جق
 هر نوع تنبیه و اخطاری قبول واجرایه مجبوردر
 یکرمی دردنجی ماده تحت الارض مغاره
 کشادیه اعمال اولنان اوچاقلرک جهت فنیه سنه
 معادن اصلیه حقنده کی احکام نظامیه به توفیقاً
 معدن مهندسری طرفندن نظارت اولنور
 یکرمی بشنجی ماده میری اورمانلری دروننده
 ایشلدیلان اوچاقلرک اورمانه متعلق جهتنه اورمان
 مفتشی و یامأمورلری طرفندن نظارت ایدیلور
 یکرمی التنجی ماده علی العموم اوچاقلرک
 ضابطه جه امر نظارتی حکومت محلیه به مائدر
 بناء علیه اوچاقلرک امنیت وصحت عمومیه جه
 مضرتی تحقیق ایدر ایسه معدن مهندسیله
 بالاستشاره اوچاقلرک ایشلدلمسی موقناً تعطیل
 ومصارفی اوچاق صاحبنه مائد اولق اوزره
 تدابیر لازمه اتخاذ واجرا اولنور و اوچاقلرک
 قطعاً تعطیلی ایجاب ایدر ایسه کیفیت برتفصیل

(بشنجی فصل)
 (خلاف نظام حرکت وقوعنده ایدیه جک)
 (معاملات)

یکرمی طقوزنجی ماده برکیسه متصرف اولدیغی
 ویاخود صاحبی ارض ایلدیکی راضیده مواد
 سابقه ده محرر شرائطه توفیقاً حکومت محلیه دن
 علم و خبر اخذ ایتکسزین لاجل التجاره اوچاق کشاد
 و اعمال ایتدیکی حالده اوچاقلرک جسامتنه کوره

ایکی عدد عثمانلی التوندن یکرمی التونه قدر
 جزای نقدی النور و بوندن ماعدا چیقاریلان مال
 موجود ایسه ضبط ایدیلور
 و موجود دکل ایسه مختلر معرفتیه تقدیر ایدیه جک
 بدلی کندوسنه تصمین ایتدیریلور
 اوتوزنجی ماده هرکیم اراضی امیریته خالیه ده
 وقرا و قصباته وسائر عمومه مائد ارا ضیده
 مواد سابقه ده محرر شرائطه توفیقاً رخصتنامه
 استحصال ایتکسزین اوچاق کشاد و اعمال ایدر ایسه
 یکرمی طقوزنجی ماده احکامنه توفیقاً معامله
 اولندقدن بشقه تعیین اولنان جزای نقدی ایکی قات
 اوله رق استیفاقلنور
 اوتوز برنجی ماده رسوم نسبییه سنی ایضا
 ایتکسزین اوچاقلردن مال نقل ایدنلردن رسوم
 نسبییه نیک ایکی قاتی اخذ اولنور

(التنجی فصل)
 (اشبو نظامنامه نك نشرندن اول کشاد و اعمال)
 (اولنان اچاقلره داز بعض احکام)

اوتوز ایکنجی ماده اشبو نظامنامه نك نشرندن
 اول اراضی امیریته خالیه ده وقرا و قصباته مائد
 اراضیده کشاد و اعمال ایدلکده اولان طاش
 اوچاقلرینک ماملری نظامنامه نك نشری تاریخندن
 اعتباراً ایکی سنه طرفنده احکام نظامه توفیقاً
 رخصت استحصالنه مجبوردرلر مدت مذ کوره

ظرفنده نظامنامه توفیق معامله ایتیانلر حقننده اوتوز
 نجی ماده ده مندرج اولان احکام اجرا اولنور
 شو قدرکه حکومت طرفندن الزام و احاله صورتیه
 اداره ایدلکده اولان اوچاقلر بو حکمدن مستثنادر
 اوتوز اوچنجی ماده لاجل التجاره کندوسنک
 ویاخود آخرک اراضیسنده اوچاق کشاد و اعمال
 ایدنلر دخی ایکی سنه به قدر در دنجی و اونجی
 ماده لر موجبجه حکومت محلیه به اخبار کیفیت
 ایدوب علم و خبر استحصالنه مجبوردرلر مدت
 مذ کوره انقضاسنده احکام نظامه توفیق معامله ایتیانلر
 حقننده یکرمی طوزنجی ماده موجبجه معامله اولنور
 اوتوز دردنجی ماده مالیه و معادن نظارتی اشبو
 نظامنامه نك اجراسنه مأموردر

فی ٢٤ ربیع الاخره سنه ١٣٠٥
 و فی ٢٧ کانون اول سنه ١٣٠٣

قسم غیر رسمی

(در سعادت محکمه استیناف مدعی عمومی عزتلو)

(خالد بك افنديك « شهادت » عنوانی)

(مطالعات قانونیه سنك)

(مابعدیدر)

اكال ايدلس اوله جغنی و ذاتاً دائرة استنطاقده متهمی كورمكسزین شهادت ایده جك اولان شاهدك وقتيله اسم اوزرینه ایده جکی شهادتك مسامنی حضور محكمه ده ارئه ایتدیك شهادتك كسب مكملیت ایده میسه جکی دركاردر كندی علیهنده سویلنیلان شیره جواب و یروب ویرمه جكنك متهمدن صورلمسیده شاهدك شهادت واقعه سی متهمك خاطرندن و شاهد محكمه او طه سندن چیمقسزین شاهدك شهادت و ذاتی علیهنده بر كونه اعتراضی و یا خود اعتراضات و مدافعاته مدار اوله جق استیضاحاتی واریسه رئیس محكمه به عرض ایتك ایچون اولدیغی بدیداردر شاهدك اثنای شهادتده كلامی كسیلماسندن مقصد قطع كلام متكلمك تخدیش افكار و تشویش كفتارینی استلزام و بنابرین افاداتنی و ارسته انفهام ایده بیله جکی جهتهله شاهد صره سیله تقریر مشهودات و تصویب و قوعات ایدر كن رئیس محكمه سؤال و استیضاحه قیام ایدر سه اكاجواب ویرمك قیدینه دوشه جك شاهد سوزینی اكال ایدوب ایتدیكنك فرقنده اوله میهرق بالاخره شهادتی تمامیه ایفا ایده مامسی واستنطاق دائرة سنده مستنطقك نقصانی

سؤالندن و یا سباب سارندن طولانی كبر و قلمش افاداتی وار ایه اكال ایدیه مامسی كبی نتیجه لر حصوله بادی و حاكك مكلف اولدیغی بی طرفلق وظیفه سنده منافی اوله جغنی مطالعه سندن ناشیدر متهم و یا خود و کیلی و یا خود مدعی شخصی شاهده بعدالشهادت رئیس واسطه سیله استكاری سؤالی ایده جك رینك و ذات و یا شهادتی علیهنده اوله رق دفع دعوایه مدار اوله بیله جك شبری سویله بیله جك رینك تصریحاً ذكر و بیانی دخی بوماده نك اوست طرفنده كوستر لیدی و جهله رئیسك ایده جکی سزاله قارشو مهمك كندی علیهنده سویلنیلان شیره استدیگی حالده جواب ویرمك صلاحیتنی حاز اولدیغی كبی شاهدك وقتيله وقوعبولان شهادتیه توافقی ایتیه جك افاداتدن طولانی طلب ایضاحاته و تحویل لسان ایتش ایه مقدمه مواخذات اوله جن تدقیقاته دائر افادات و اخطاراته حقلری اولدیغی افهامدن و كركه متهم ایله و كیلنك و كركه مدعی عمومی و شخصینك طوغریدن طوغری به بكدیكریله مكالماری برطاقم مغالطات و بلكه منازعاتی و اداره محكمه جهه مشكلاتی موجب اوله جغنی ملاحظه سیله حسن اداره محكمه بی التزامدن نشأت ایتدیگی بدیهی و رئیس محكمه نك شاهددن و متهمدن دقیقت حاكك ظاهره اخراجی ایچون لزوم كوره جکی هر درلو ایضاحاتی طلب ایده جكنك اریجه كوستر لمسیده ماده قانونیه نك عبارات سابقه سنی تسمیم و متهم

و وکیل ایله مدعی عمومی و شخصینك شاید حشو یاتدن معدود بعض سؤالره قالمش قلمری حالده رئیس محكمه لزوم كور مزسه طلب ایضاحاته مجبور اولدیغنی تفهیم ایچون اولدیغنی امر جلی و فقط متهم ایله مدعی عمومی طرفندن طلب ایضاحات حقنده و وقوعبوله جق مطالب ذوات و حشو یاتدن عد اولدیغنی تقدیرده اسباب موجب سیله رد ایچون بیان رأیه محكمه نك مجبوریتی طبیعی و عكسی حال وقوعی نقضی مؤیدر رئیسندن رخصت اخذیه ایضاحات طلبی ایچون اعضایه صلاحیت ویرلمسی ایه اعضادن رینك محتاج استیضاح عد ایده جکی شیر صورلمدیغنی حالده ذهنی ترددن قور تیله میه جغنی و نتیجه محكمه ده رأینی استعمالده مشكلات حاصل اوله جغنی مطالعه لرینه مبنی ومع مافیه بر شاهدك شهادتی حقنده متهم و وکیل ایله مدعی عمومی و شخصینك وقوعبوله بیله جك اخطاراتی و رئیسك تحقیقاتی نهایت بولمقسزین و نقصان برشی قالب قالدیغنی لایقیله اكلامه سزین اعضانك ایضاحات طلبنه حقی اولدیغنی جهتهله صلاحیت بچوئه رئیسك رخصتیه تقیید و اداره محكمه یه خلل كتوره بیله جك اوضاع و حرکات بوعباره ایله ده منع ایددیگی كبی اعضانك رئیس توسط ایتیه رك رئیسندن بعد الاستیذان بالذات استیضاح ایتسنده کی جواز دخی اعضانك طلب ایضاحاته دائر اولان تبادرات ذهنیه سنی اوزون اوزادی . رئیس محكمه یه بیان ایتسی

بولدیغنی نقطه حاکمیتله متناسب اولیه جغندن بشقه ایشك بر استشاره و مذاکره رنگنی المسنی انتاج ایده جکی دوشلمسندن منبعث ایدوکی بیاندن مستغیدر

ایکیوز یتش برنجی ماده ده هر شاهد اجرای شهادتن صكره رئیس محكمه طرفندن مجلسدن چیمقسزین امر وقوعبولدقجه چیمه میه جقدر دیو محرردر كه ماده سابقه ده كوستر لیدی و جهله متهمیله وکیللری و مدعی عمومی و شخصی طرفلرندن شهادت واقعه اوزرینه وقوعبوله جق افادات و رئیس ایله اعضانك لدی الحاحه اخذ ایده جك ری ایضاحات نهایتند كجه شاهدك مجلسدن چیمقارلمسی تکرار حضور محكمه به كتورلمنی و بوده شاهدك (عجبا غیبا بده برشی دیشلمشده مسئولی اوله جغنی) كبی بر فكره ذهاب ایله توحش ایتینی و یا خود شاهدك مجلس محكمه دن چیمقارلمسیله برابردها بكا لزوم قالدی دیه رك صاوشمینی و بوصوله محكمه نك اورامسی اقتضا ایده جکی مثلاً اداره محكمه جهه مطلوب اولان انتظامی دخی اخلال ایلیه جکی جهتلر له شاهدك مجلس محكمه دن چیمق بیللمس رئیس محكمه نك امر بینه ربط ایدلمشدر ایکی یوز یتش ایکنجی ماده ده مدعی عمومی و حقوق شخصیه مدعیسنك اقامه ایتد كاری شاهدلر استماع اولدقدن صكره متهم كرك انها مناهده بیان اولسان جریمه و كرك كندو سنك اهل

دتلرك خلا فنده شاهد قبول اولنه ماز مكر كه شا
هدلر قائلك بشقه بر شخص اولديغنى مبن وشها
دتلرى بعض اثار موئده به مقارن اوله بيله اولد
يغنى تقديرده اتهام شاهد لر ينك مؤاخذه سيله
٢٨١ برنجى ماده ده محرر معاملا تك اجراسى لازم
كله چكى دركار در متهمك حر كات ممدوح اصحا
بندن اولديغنه دائر استماع ايتدبره چكى شاهد لرك
مدافعه به جهت تعلق ايسه اتهام شا هدر ينك
جرم متهم طرفندن ايقاع اولند يغنه دائر مشهو
داتى اولوبوده شها دتلرى جرمك فاعلى اومتهم
اولديغنه دلالت ايدر بعض احوالى تشكيلدن
عبارت اولديغنى حالده متصور اوله بيلوب
بوخسه جرمى شهادتله ثابت اولان بر متهمك
اولجه حر كات ممدوحه اصحابندن بولنسى روئيه
مستند شهاداتى رده سبب اوله مازاشته بو كمبندركه
متهمك استدعاسى اوزرينه جلب اولنه جق شا
هدلرك مصارف جليليه واجرت يوميه زن كندو
لرينه راجع اوله جغنى تصريح ابدلش و فقط بقاروده
بيان اولديغنى اوزره اتهام شاهد لر ينك شها
داتى اساسندن تغيير و تو هين و حقيقت حالك
ظاهره اخراجنى تأمين ايدى چكى افاده سيه جلب
واستماعى متهم طرفندن طلب ايديله جك و بناء
عليه مدعى عمومى جا بندن جابنه لزوم كوستريله
جك شاهد لرك مصارفى مستشنا طو نلشدر
زيرا متهمك بغير حق تحت توقيف و محاكمه به
النمش اولديغنه دلالت ايدى جك شهودك

عرض و مستقيم و حر كات ممدوحه اصحابندن
بولنديغنه دائر شهادت ايتك اوزره اولجه
دفترينى و برمش اولديغنى شاهد لر ينى استماع
ايتدبره جكدر متهمك استدعاسى اوزرينه
جلب اولنه جق شاهد لرك مصارف جليليه سى
وشاهد لرك اجر تلرى متهملره راجع اوله جقدر
فقط متهم طرفندن بيان اولنوب حقيقت حالك
ظاهره اخراجى ايچون مدعى عمومى جا بندن
جلبه لزوم كوستريله جك شاهد لرك مصارفى مستشنادر
ديو مسطور
در نفيه شهادت جائز اوله ميه جغنه و ثبوت
جرمه شهادت ايدى جك شاهد لر اوراق
اساسيه ده و مدعى عمومى مينك شهود دفترنده
محرر بولنه جغنه نظراً متهمك جرمه دائر شهادت
ايتك اوزره استماع ايتدبره چكى شهودك
صورت و سبب وقوع جرمه اتهام شاهد لر ندى
زياده معلوماتى جائز اولملى لازم كسور كه مثلا
قتل جنائتيه اتهام اولنان بر شخصك قتل مجا
سرتى حقنده وقوع بولان شهادتدن فضله اوله رق
قتلك سبب وقوعى مقابله و يا خود محافظه نفس
و عرض ايچون ايدوكنى و الحاصل قانوناً معذرت
ويا معافيتى استلزام ايدى جك اسبابى اثبات ايچون
اولق و بو شاهد لرك شهادتلى هر حالده اتهام
شاهد لر ينك شها داتنه مخالف اولماق اقتضاييدر
بوخسه اتهام شاهد لر ينك شها داتيله ثابت و او
شاهد لرك شها دتى قانوناً مقبول و تدقيقات اقتضا
سنجه كذبلى غير محسوس اولديغنى حالده بوشها

مصارفنى شهادتلى به تبرئه ذمت ايدى جك
متهمه تحميل موافق معدلت اوله ميه جغنى كى
اوشا هدر لرك او محاكمه ده وقوع بوله جق
شهادتلى رنده تعين ايدى جك اصل جاني حقنده
معاملات قانونيه اجراسيله نتيجته محاكمه ده
شواستشنا ايديلان مصارف شهود بالظبع اكا تحميل
قلمقى لازم كله چكى بيدار ايسه ده اساساً جرمك
فاعلى اولديغنه دائر اولان شهاداتى محو ايتيه رك
مجرد متهمك معافيت و يا معذرتنى تعين و مجازاتنى
تهوين ايدى بيله جك شهودك مصارف جليليه
وسايره سى متهمه راجع اولق موافق معدلتدر
٢٧٣ اوچنجى ماده ده متهمك و تعددى حالده ايچلر
ندن بر ينك اولا ابا و اجداد ينك ثانيا اولاد و اخفاد ينك
ثالثا اخوان و اخواتنك رابعا بودرجه رده
بولنان اقارب صهر به نك خامساً طلاق و وقوعندن
صكره اولسه بيله زوج و زوجه نك سادسا قانوناً
مكافات نقديه به نائل اولان مخبر لرك شها دتلرى
مسموع دكلدر معافيه ذكر اولنان اشخاصك
مدعى عمومى و يا خود مدعى شخصى و يا خود
متهم طرفنندن استماع اولملى عليهنده بر كونه
اعتراض و وقوعو لمقسزين استماع اولنمش اولملى
معاملاتك مفسوخيتنى استلزام ايتدبره ديو محرردر
بوماده ده شهادتلى نك مسموع اولديغنى كوستريلانلر
دن ابا و اجداد و اولاد و اخفاد و اخوان و اخوات
و بودرجه رده بولنان اقارب صهر به و طلاق
و وقوعندن صكره بيله زوج و زوجه نك شهادتلى

مقبول اولديغنى و فقط بومقوله لرك شهادتلى
استماع اولنوبده كرك مدعى عمومى و كرك مدعى
شخصى و مظنون عليه طرفندن بر كونه اعتراض
ايدلماش اولور ايسه كان لم يكن حكمنده طو تليوب
مرعى و معتبر اوله جغنى قباحته متعلق دعاوينك
صورت روئيتى حقنده كى فصلنده محرر اولوب
١٧٢ نجى ماده موجدنجه جئجه به دخی تشميل
ايديلان بوز قرق التنجى ماده ده مذكور و بوبنده كى
مقاصد قانونيه او صروده ايضاح ايدللكه تكر ايتيه
حاجت اولديغنى امر غير مستور اولوب شو قدر
وار كه اشوماده قانونيه ده مكافات نقديه به نائل
اولان مخبر لرك شهادتلى رده مسموع اولميه جغنى نك
تصريح ابدلش اولمى و بوز قرق التنجى ماده ده
مقبول دكلدر دينلش ايكن بوماده ده مسموع دكلدر
تعبير ينك قوللانسى و الت طرفنده ده بومقوله
اشخاصك استماع اولملى عليهنده اعتراض
و وقوعو لمقسزين استماع اولنمش اولملى معاملاتك
مفسوخيتنى استلزام ايتدبره چكى كوستريلوب
قباحت و جئجه ده اولديغنى كى مقبول و معتبر
اوله جغنى تقيد ايدلماش بولنسى يوقار و لرده
بيان ايدلديكمز وجهله جنائيت دعوا لر ينك اهميتندن
ناشيدز (شهادتله اخبار ايننده كى فرق) عنوانيله
مقدما يازمش اولديغمز بر مطالعه ده كوسترلديكى
وجهله مكافات نقديه به نائل اولان مخبر لرك يعنى
دولتجه اخباريه اعطاسى نظام تحتنده بولنان
مكتومات ميريه مخبر لرك احاد ناس طرفنندن

ظاهره اخراجی ضمنده وعدو عقد مقاوله
مکافات اولسان برمال مکتومی اخبار ایدلرک
بو اخبار لرندن منصور اولان منفعت مالیه لری
کندولرینی شاهد بی غرض عد ابتدیره میهرک
افاده لری مادتا ادعا نوعندن معدود اوله جغنه
مبنی شهادت لریک مسموع اولسامسی لزومی بدیهی
وبوصورتک قباحت وجنحه فصلارنده کی شهادت
بجزلنده ذکر اولتیوبده یالکز محکمه جنایتده کی
شهادت بجشده کوسرلمسی بوجه مشروح جنایت
محاکمه لریک اهمیتله برابر مکافات نقدیه به نائل
اوله جق مجبر لریک اخبار لری اکثر یا جنایاته متلق
اوله جغنه میندر

زیرا مکافات نقدیه نظاماً مکتومات میریه مجبر لرینه
موعود وکتم وسرقت اموال میریه ایسه افعال
جنایتده دن ایدوکی رونمود در مع مافیه احادناس
طرفندن مثلاً فاعلنی جنحه درجه سنده جزالتدبیره جق
برسرقتدن طولایی اموال مسروقهبی وسارقی
بولسی ایچون وعد وتعهد اولسان مکافات نقدیه
سببیه اموال مسروقهبی وسارقی خبرورن
برشخصک دخی اوسرقت جنحه سنک محاکمه سنده
شهادت ایدهمامسی لازمکله جکی امرجلیدر

مقبول کله سببیه مسموع کله سنده کی فرقه کلنجه
برشهادتک قبولی شاهدک استماعندن صکره
اوله بیله جکی وهر استماع اولسانلرک افاده لری
مطلقاً مقبول اولمق لازم کلمیه جکی امر بیدر

واز جمله رئیسک اظهارحق ایچون لانتخلیف
استماع ایده جکی کسانک وسنلری اور بشدن
اشاغی اولوب کذلک بلانتخلیف افاده لری
معلومات قبیلندن اوله رق استماع اولنه جق
صیبانک افاده لرنده کی درجه قوتی تقدیر هیئت
حاکمیه به ماند اولدیغنه نظراً بومادهده مسموع
کله سنک استعمالی قباحت وجنحه ده شهادت لری مقبول
اوله میه جق لریک جنایتده شهادت لریک استماع وموقع
تقدیره وضعی بیله مناسب اولیه جغنی مطالعه سنه
مستنددر بنابرین بومقوله اشخاصک استماع لری
علیهنده اعتراض وقوعوبولمامسبیه استماع لریک
مفسوخیت معاملات استلزام ایتمامسی شهادت لریک
علی الاطلاق مقبولیتی تأمین ایده میوب نقد هیئت
حاکمک تک تقدیری نسبتنده برتأثیری مفیددر

٢٧٤ نجی مادهده قانوناً مکافات نقدیه به نائل اولمیان
مجبر لریک شهادتی مسموع اوله بیلور فقط مجبر اولدقرینه
محکمه تک معلوماتی اولمق لازمدر دنیلور بومادهده
قانوناً مکافاة نقدیه به نائل اولمیان مجبر لریک شهادت لری
حقننده مسموع اولور دنیلور لریک (اوله بلور)
سوزبیله محکمه استماعده تخیر ایدلد کدن صکره
بوجوازک تخیری دخی مجبر اولدقرینه محکمه تک
معلوماتی اولمق لازمدر دیو تقیید ایدلمشدر که
بوندن مقصد مجبرک بی غرض وبی طرف اولدیغنی
تأمین ایدیه بیله جک احوالک وجودینی منروط
قبیلندن عبارتدر چونکه خبرک صدق رکذب

احتمالی درکار وکندوسندن سوال
وقوعوبولمسزین اختیار تکلفه برجرمی حکومته
اخبار ایده جک شخصک ذاتنجیه جلب منفعت
وسلب مضرت کبی بر فکرینی حس ابتدیره جک
مقالات وحالاتی اولوب اولدیغنک بیلنسی
اخبارنامه سنی مطالعه وتدقیق و احوالی تعمیق
اولدیغنه معلوم اوله جغنی بیدار بولنسنه مبنی
وقبیله شو یولده اجرای تدقیقات ایدیلرک
کندوسنده اولیه شهادتی اخلال ایده جک احوال
ومقال کوریله میه جک مجبرک استنطاق دائره سنده
قسمله استجواب ایدریله جکی کبی شاید استنطاق
دائره سنده استجواب ایدلماش بولنور ایسه
مدعی عمومینک شهود بوصول سنه ادخال ابله مجبر
اولدیغنی وشهادتی تجویز ایدریله بیله جک اطلاعات
ومعلوماتنی وقبیله یعنی محاکمه دن بکرمی درت
ساعت اول محکمه به بیلدیرمی و محکمه تک دخی
شوصورتله استحصال ایده جکی معلومات اوزرینه
اوشاهدی مجبر اولدیغنی بیلرک استماع شهادته
مانع بر حال حس ایتمسه استماع ایتمسی وحين
استماعنده اکا کوره توسیع تحقیقات وتدقیقات
ایلمسی لازم کله جکی موصول رتبه بده اهددر

٢٧٥ نجی مادهده طرفلرینه جلبنامه کوندر لمکسزین
مدعی عمومی ویاخود متهم طرفندن کنور بیلان
شاهد لریک تجویزاً اجرای شهادت ایتماش
اولسه لر بیله اثنای محاکمه ده استماع اولنه بیلور
شوقدر که اشبو شاهد لریک اسملری هر حالده

ایکی یوز التمش التنجی مادهده بیان اولسان
شهود بوصول سنه درج اولنمش اولمیدر دیه
محرردر بومادهده کی (استماع اولنه بیلور) عبارته
تخیریه سی ابله اسملریک شهود بوصول سنده مندرج
بولنسی شرطنک وجودی ماده سابقه تک
تضمن ایدیه کی مقصده موافقدر زبر اولجه تجویزاً
اجرای شهادت ایتماش یعنی دائره استنطاقده
مع القسم استجواب ابله صورت شهادتی ضبط
ایدلماش و بنا علیه محکمه دن جلبنامه ابله دعوت
اولنیه رق کندولکنندن کلمش اولان برشاهدک
بی طرفلغنده اشتباه واستماعنده تردد اولنقی
طبیعی وبواشتباه وترددک اندفاعی و اوشللو
کندیلکنندن کلان شاهدک تجویز استماعی محکمه تک
قبل المحاکمه اوشاهدک استماع ایدریله جکته
معلوماتی اوله رق اکا کوره اوشاهد حاز فکر
فاسد اولدیغنه امنیت بخش اوله جق احوالی
نهاده پدش نظر اعتنا واستماعنده تدقیقات
احتیاطیه بی ایفا ایتمک حکام ایچون لازم اولان
حزم و احتیاط وظیفه سنه جسبان ولا بقدر

٢٧٦ نجی مادهده شاهد لریک قنعی طرفک اولور ایسه
اولسون یکدیگرینی استجواب ایدیه جکلردردیو
محرردر بوندن مقصد هم انتظام اداره محاکمه کی
خلل پذیر ایدیه بیله جک بی لزوم مقالاتک منجی
وهنده استماع اولنمقده اولان شاهدک کندوسندن
اول استماع ایدیلان شاهد دن شهادت واقعده سی

اوزرينه جريان ايدن تدقيقاته تعلق ايد جك
معلوماتي بالاستحصاال يكديكريه تاليف كلام
ومفاهيمه مرام ايد بيلري صورتك كلياً دفعي
قضيه لرندن عبارتدر

٢٧٧ نجى مادهده شاهدك شهادت ايتكدن
صكره متهم بولنردن قغيلربنى استرايسه طيشارو
چيقارلملربنى وطيشارو چيقاريلانلردن بروياخود
برقاچنك تكرار جلبيله بربرر يالكزجه وياخود
يكديكري مواجهه سنده يكيدن استماع اولنلربنى
طلب ايد بيله جكدر شوصلاحيق مدعى عمومي
دخى حازدر بومعامله بي طلب وقوعبولقسزبن
رئيس محكمه رأساً دخى اجرا ايد بيلور ديو
مسطوردر

شاهدك كاذب اولدقلىزى حالده شهادتلى
بالطبع يكديكريه توافق ايتيه جكدن بولرك
كاذب اولوب اولدقلىزى اكلامق يكديكريه
صورت شهادتندن خبير اولماسى و برشاهدك
شهادت واقعهسى اوزرينه وقوعبوله جق
تدقيقاتدن يعنى برشاهددن طلب واخذ ايديله جك
ايضا حاتدن معلومات المقسزبن ديكر شهاددن
دخى اخذ ايضاحات اولنسى وشهادتلىزنده مبايت
كورنديكى حالده يكديكريه مواجهه سنده يكيدن
استماع ايدلسى ايله حاصل اوله بيله جكى امر بيد
وشاهدك شهادتلىزنده كاذب اولدقلىزى تقديرده
كذبلىزى ميدانه چيقارمق متهمك حق مدافعهسى

محافظة به تعلق ايد جكى جهته متهمه . حقيقت
حالك ظاهره بالاخراج متهم اولان شخص شاهد
كاذب شهادتلىزى اتمام اولنش ايسه او شخصك
حقوق عموميه جله سنه داخل بولن ان حقنى
حفظ وجابه وشهادت كاذبه ده بولنا نلر عليه رنده
دعوى اقامه ايتك وظيفه سنندن طولابى مدعى
عمومي به . و اظهار حقه متار عد ايد جكى
وسايط ممكنه بي كندى راييله استعمالده قانوناً
مأذونيت كامله بي حاز اولق حسيبيله محكمه رئيسه
حائذ حقوق جله سنندن اولغله اشبوماده قانونيه ده
متهم ومدعى عمومي ورئيس ايچون كوستربلان
صلاحيتلر صورت مشروحه ده اجراى تدقيقات
ايله تأمين عدالت مقصدينه مستندر

مابعدى وار

اعلان

اسكدارده طوپطاشى سا كنلرندن ودوگه جى
اصنافندن احمد اصابى ضرب ايتلرندن طولابى
مظنون عليه بولنان دارالشفاه خدمه سنندن فارصلى
صبرى بن عثمان ايله زوجةسى فاطمه يه برقاعهده
تنظيم واصولاً تبليغ قلنان جلبنامه لك ظهيرنه
مرقومك زوجةسى ايله برابر محمل مذكوردرن
قيدلرى ترقين ايدلمش واولتارىخچى دنيرو نه طرفه
كيتدكلرى مجهول بولنش ايدوكى پيمارخانه مديريتى
طرفندن يازيلان شرحندن اكلاشلس وشو حالده
مرقوم ومزبورهنك اليوم اقامتكاهلرى بيلنه مديكى
جهته مدعى عمومينك طلبى اوزرينه اوچيوز اوچ
سنهسى كانون ثانينك يكرمى برنجى پنجشنبه كونى
ساعت بش بچقه اسكدار بدايت محكمه سنجه
محكمة لازمه لرينك اجراسى مقرر بولنديغندن
اولوجهله معين اولان وقت وساعتده مرقوم
صبرى وزوجهسى فاطمه نك محكمه يه كللى وعكس
حالده محاكمه نك غيابة اجرا قلنه جغنى متضمن
يازدريلان دعوتنامه لك اصول محكمة حقوق
قانون موقتنك يكرمى التجبى مادهسى حكمنه
قياساً محكمه ديوانخاسنه تعليق قلنديغنى اعلان
اولنور

في ٣١ كانون اول سنه ٣٠٣

عارف اناك قابجى ابراهيم انا ذمتنده بااعلام
الاجغى اولان مبالغ معلومه نك تأمين استيفاسى
ضمننده مديون مرقومك مالى اولوب تحت ججه
النسان برعدد برچفته قابغتك تاريخ اعلانندن
اوچ كون صكره يعنى كانون اولك يكرمى بشنجى
كونه مصادف اولان جمعه كونى ساعت بشده
اسكدارده بيوك اسكله ده مأمورى معرفتيله
بالمزايده فروخت اولنه جفندن اشتراسنه طالب
اولنلرك بوم مذكوره محمل مذكوره ده محمل
مذكوره عزيمتيله مأمورى مومى اليه مراجعت
ايتلرى اسكدار اجرا دائره سنندن اعلان اولنور

في ٢٢ كانون اول سنه ٣٠٣

اطرافى صامور ايچى كدى چوقه قابلى قبصه
كورك عدد ١ اطرافى صامور ايچى كدى چوقه
قابلى كورك اوزون عدد ١ اناطولى مستعمل
نافه كورك اوزون عدد ١ چوقه شلوار عدد ١
كذا انتارى عدد ١ كوش سيغاره لى بوسنه
كارى عدد ١ مچ تقليدى كهنه قا عدد ١
باقون قاشق مع چتال عدد ١٢
اتنه قادينك وكيلى كيرقور افنديك در سعادت بدايت
محكمهسى برنجى حقوق دائره سنندن اعطا قلنان اعلام
موجبجه سبره جى اصافندن اقم ذمتنده مطلوبى اولان
مبالغ معلومه نك تأمين استيفاسيچون مديون مومى

اوطه باشى عثمان اغانك درسهادت بدایت
 محكمهسى ايكنجى حقوق دائرهسندن ويريلان
 واستينافاً ونمىيرأ تصديق ايديلان اعلامات
 موجبجه مراتقوز اصنافندن صرا ذمتنده
 الاجغى اولان مبالغ معلومهك تأمين استيفاسى
 ايچون دايك استدعاسى اوزرينه تحت جزالديريلان
 مراتقوزه الوريشلى جويز وكستانه ديش بوداق
 واخلامور اولهرق يكرمى درت قلم اشياك اشبو
 اوچيوز اوچ سندهسى كانون ثاينسك سكرنجى
 پنجشنبه كوني چنبرلى طاش جوارنده اسربازارنده
 بالمزايدة فروخت اولنه جغى اعلامات نظاميه اجرا
 دائرهسند اعلان اولنور

في ٣١ كانون اول سنه ٣٠٣

اليهك تحت حظه النان بوجه بالا سكر قلم
 اشيا اوچيوز اوچ سندهسى كانون ثاينسك
 ايكنجى ججه ايرتسى كوني ساعت بديدن طقوزه
 قدر چارشوى كبرده زنه جيلر ايجروسنده فروخت
 اولنه جغى درسهادت اعلامات نظاميه اجرا
 دائرهسندن اعلان اولنور

في ٢٨ كانون اول سنه ٣٠٣

مصطفى احسان افنديك خلقى بك ولبلا خانم
 ذمتلنده بااعلام الاجغى اولان مبالغ معلومهك
 تأمين استيفاسى ضمننده داي مومى اليه عهدهسنه
 وفاء فراغ ايدلش اولان اسكدارده بيوك قره غونخانه
 قارشوسنده يوزيكرمى سهمى متضمن التمش درت
 نومرولى برباب بقال دكانك اوتوز سهم
 كدكك عندالمزايدة ليرا يوز غروش حسابيله
 اون بيك غروش بدل ايله طالبى عهدهسنده تقرر
 ايدوب تاريخ اعلاندن اعتباراً اوتوز بر كون صكره
 قرار قطعيسى ويريله جكندن يوزده بش ضميله
 زياده به طالب اولنرك اسكدار بدایت محكمهسى
 اجرا دائرهسنه مراجعت ايللى اعلان اولنور

في ٢٩ كانون اول سنه ٣٠٣